

四庫全書

史部

欽定四庫全書

八旬萬壽盛典卷一百十六

歌頌

三十六

萬壽恭編

御製詩八徵耄念記進表

原任翰林院編修

臣

周厚轅

臣謹

奏欣逢

皇上八旬大慶萬壽萬萬壽先春

命鴈八徵耄念之寶

御製記文

宣示寰宇

臣

伏讀萬遍心悅誠服復恭繹

御製詩初二三四五集中義相發明言成徵實敬互證

分系編成

八徵耄念記實盥手繕錄隨

表恭

進者伏以

旱緯告貞符六氣調一元之運

軒齡衍神策九疇備五福之全

皇極之建曰用敷叙倫圭錫

大寶之文曰既壽延喜玉鐫心永念之在茲煥成

堯戒言無徵而不信庸叶

舜歌美驗八徵義通一貫

臣

謹誠歡誠忤稽首頓首竊

惟天有顯道河以圖而洛以書帝臨下民箕所言

乃禹所受初五行以播氣次五事以言人政必揭其綱維紀乃窮乎幽渺極居中而正直德判三以剛柔七逢吉以大同九嚮福而先壽理昭乎民彝物則故大其詞曰洪學粹乎內聖外王故納之器曰範維庶徵之用念當八位以協時治嫩乎用成用明用章用康功密乎維星維歲維月維日是謂天人之合亦如日月之行然而者是淆於漢書若順疑於王氏傳編劉向說太近於機祥文定吳澄

章遂移其前後雖武王之訪道尚曰不知即箕子
之陳詞第聞在昔欲明大法端重立言茲蓋伏遇
皇帝陛下

德念福基

誠徵純久

壽兼乎得位得名得祿

言敷而是彛是訓是行迺襲慶於天苞地符閱綿算於

皇春帝夏年登

八表日凜

萬幾積大衍之策成五五有合遞旋宮之輪轉八八相生豈三帝之能儕即一賢而未逮遂以歲華之開始刻成量采以凝祥底貢從白玉河濱抑埴向紫泥封裏義有取乎

省歲瑞大備於叙時燦六字以成文勒出天章雲篆抒一篇而

作記抉露乾端坤倪且夫

至誠如神

久道成化

萬福備矣一言蔽之申開惑以
信

天述紀巡之

明理

家慶名堂以五代

古稀闡說於

七旬四閣牘章三希入篆茲欲徵於吉語特有得於範
言蓋以揭

一哉心之全遂以彰五者備之應匪且有且

念茲在茲積

八十年閱二萬八千餘日之久羅數萬首在

初二三四五集之編

記維挈領而振綱

詩迺駢珠而積玉則有三春甫及即盼霖興一雨未優

頓虞風散冬寒暑雨厘一歲之民勞夏日秋陽辨
五方之物性或

抒情於晝漏輒

誌事於朝函寒

太液以嬉冰燠

山莊而觀稼永夕永朝之在

念隨時隨地之可徵言道則一本而萬殊立言則層見
而疊出如大海之運

詩配江河而

記則歸墟如渾天之圖

詩分宿躔而

記則全體攬為雨暘燠寒風之五部系以億兆京垓秭

自

八旬合典謨雅頌為一經祝

壽福康寧而好德

臣

跡塵翰苑來自江鄉匪卿士師尹

之倫得聞

詩教効副墨雒誦之職庶代頌言愧業托乎編摩實情
深於舞蹈欽萬民之在

念西疇願教農歌際八表之來庭南國

新頌

御集伏願

蘿圖益茂

椿算無疆

皇之壽萬八千同天無極

詩之義承持志與歲俱增化國之日舒以長堯典授時皆
十雨五風之歲治世之音安以樂舜琴解阜即九
如三祝之辭謹將所編

御製八徵耄念記實五十四冊凡六函裝潢隨

表恭

進以

聞

萬壽恭紀七言排律一百韻

謹序

翰林院檢討臣汪滋琬

上章奄茂之歲恭逢我

皇上八旬萬萬壽瑞雲翔宇慶溢京垓麗景臨霄歡同
覆載仰

天皇之玉篆虬龍盤八會之文聆

帝昊之元音鸞鷟叶八風之奏集衣裳而

儀萬國開閭闔而

覲諸侯飲頌滿於衢塗瞻呼羅於鮎幼是歲也南交輯

瑞阿瓦輸琛名王則父子俱來享幣則珍奇畢集
三江花象職貢希聞五竺丹書稱名無量生番顯
化越巨海於頻年伯克趨風踰流沙之萬里豈特
六盟部落鼇抃如雲九譯荷蘭狼歌就日余吾麗
水受號唐年西僊南夷恢疆漢代而已哉

天子方穆穆宸居乾乾元始義圖符五五之數

五福斂敷軒律開九九之祥

九如保定璇霄朗曜燭照逾神玉斗珠衡樞中獨運壬

林百禮倍嚴對越之心優愷三齋彌切
躬親之敬洪縻

藉畝四海綏豐

法駕

臨雍九州興學秋風崖口

天弧隨塞月俱懸春色蒙陰

帝輅與思膏同屆先是黃封籲請

紫極臚呼

欽定四庫全書

八旬萬壽盛典

卷一百十六

聖齡千古希逢

嘉會從來未有重以

光華貴宇

勲德同

天豐碑遠植於瀛東何止肇州十二正朔同承於域外寧
惟弼服五千溯自定準夷平回部收從漫輯臺壩
玉水接於昆侖星源探於北極耕屯廣漢建都護
之名城彈壓重溟有將軍之幕府四十九旗之族

鴈侶雍容二萬餘里而遙駝裝駱驛社人覲

聖見

泰壹於鴻濛藏佛朝

天禮

文殊於忉利昨者威揚炎徼耆定黎城存舊服於王官
錫新封於下國貢金同於九牧願切來庭抗表竭於千
言心殷詣

闕於是金沙誦

德獻

壽祈封雪嶺聞風塗香頂禮方輶結軫數州為會極之
途耗米牲牢列郡有迎賓之館殷人作頌莫不來
王禹會同期曾無後至蓋

精誠必治知難所以無難而

仁壽懷柔

戒得因之

必得者也夫以

七閣崇文之富

三雍訓學之隆五經舊萃於相臺十鼓新刊於槐肆

萬幾少暇

睿藻頻摛二月中秋

經筵聿舉仰

堯文之有煥家奉千函欽

舜作之惟幾人知七始麟經闡鑑四千年袞鉞彌嚴

鳳詔頒恩億萬廩京坻漕賜繫敬

天而法

祖惟惠庶而親民

宸衷每寄於篇章封事日勞於

批答雅歌行葦篤親之典彌隆笙譜南陔養老之儀尤

茂所以千人共宴

聖朝眉壽如林

五代同堂慶緒雲仍綿瓊紀穰穰之上瑞

天錫萬年合旦旦之歡飲人思華祝九畿康喜豈獨臣

鄰六合休和同趨

輦轂

皇上俯俞羣請大慰輿情先秋宏造士之科元日布
覃恩之詔正供普免四沐

深仁逋課俱蠲重叨

渥典爵級優於有位

鸞誥仍頒欽恤訖於無刑雞竿爰樹增青衿之學額益
衲服之名糧秩祀徧於山川蕃賚均於中外列邦

捧去戰圖兼二十二條八月方來

慶典維五十五載於是

詣岱宗而展敬

幸闕里以明虔行春而廣沛

恩施

巡守而大彰黜陟臚宣

正殿

親祝

方壇

駐九夏於方壺肆六鈞於上寨秋延萬樹鎬宴先逢
苑接三山鈞天迭奏壽星躔次廷臣量吏同迎

禧節臨朝舊隸新藩咸在雲霞百里春臺恍入華胥璫
筵千家秋島無殊月宇第淵雲之頌詩書同奏百
篇煥

奎壁之文

論續再杼四得仰

天文之五集觀海難名釋

帝念之八徵膺圖共慶

小臣十年

禁殿早窺中秘之書一載菁林已上瀛洲之直貢衢

謠之百韻遞衍

扈褫綜壤頌于七言益綿長律云爾

義圖

嘉會垂亨禮箕範

繁瑩錫吉康壘壘

純修踰項譽熙熙

邳治媿姚唐貞符行地原無息健法

園穹本自強

壽以仁基安則久

福緣德懋熾而昌旦明申儆宏光被夙夜寅恭篤就將
壇陟三成

郊珽播社修五土邸圭囊魏莪

今烈基繩

祖翁赫

前猷緒纘

皇祓德齋宮明鳳炬薦馨

寢廟潔羔薌璽

傳日角昭勤敬額紀雲楣煥構堂

聖畧神韜三館輯璘籤玉冊

五朝藏事書薩許虬螭護

訓述豐碑顙顙昂

實錄晨觀週復始

淵衷夕惕念無忘階平應瑞承

薇座文曲騰輝戴斗匡象譯六書諧點畫鴻都七閣耀
綈緇靡宮古制芹流碧膠廟新模瓦易黃育士灤
河懸堵肆興賢渥水植宮牆五經選俊醇儒顯八
韻掄才

雅化颺秘苑賡虞恭拜手

崇筵歌抑靜垂裳

千篇謨範心源合

五集津梁學海航七二候詩分格物廿三史筆闡提綱
黎罔朶殿珍璆聚芸

錫儒林琬琰裝壁冊輯編謨定命麟經處畫典陳常儀
圖禮纂

朝綱肅佛藏經翻

國語琅鳥火授時增甲子鹿麋訂誤協陰陽重排鼓

碣

天文爍更定河源地脉彰為訪民風摹七月允傳書

聖衍三倉已欣

壽宇文明浹津溯

神區武烈揚準噶爾平宸獻雉勒烏圍服袒牽羊紅旗
壘捷金方拓黑木巢傾烏什攘銘揭康居虫霧淨
畝屯大食稷雲香虎門濤息摧樓蜃鹿港兵銷撈
轍螳備豫共推

宸慮邃整師夙仰

卷一百十六
睿籌臧雄關

閱實容茶火勁旅填虛氣奮驤隊列諸藩威四部營添

五數法中央瀛臺

誨武水嬉舉玉塞修戎獮禮助殊賞

特優鳧藻士合圍

躬御虎神槍勾陳夙衛環

黃道張矢新敷宴

紫光

謨烈救寧欽作乂

盱宵圖理懋方剛硃飛

鳳札朝批牘翠蕙蘭膏夜待章無逸幾番鐫

桂殿克勤到處篆松栴

綸宣竟日聯

堂陞

袞御侵晨闢闔閭孔惠孔時瞻

有喜求寧求莫視如傷上辛蒼玉田功禱吉亥青壇農

事覆曠

澤全蠲南畝稅駢

恩屢截北倉糧馳星春驛

咨晴雨挾日秋成報稻梁部屋偏災輸帑積銅街平價

發倉箱甘霖隨

輦昭神應快雪

書函兆歲穰雉聳金城逞連蹤鯨潛水國順隄防排椿

清口標新誌牖石洪瀧改舊塘淀滙東西綏柳口

河分南北引陶莊無邊樂利祇安堵不侈遊觀

帝省方少室三呼羣象屹

陪京四莅輅鸞瑤

八龍颺輶

臨青峙

六驥褰纚

謁素王海日樓觀山湧角陣雲艦肄水翻芒太平景驗
鶯花谷蕃阜風陳魚稻鄉

巡仿五年

仁澤遍樂超三代

德音張冬官考製鐘形古秋水搜材磬韻鏘一字一音

夔拊石九成九奏鳳調簧由庚軼什葩經補半子

希聲忝瑄量直轢英雲咸濩武駢排角徵羽宮商

侏儻任昧增番部雅頌風謠協律郎樂備禮明千

載會善彰惡瘴萬民望震雷離電

乾剛斷解雨需雲兌澤霧湯網宏開三面宥堯尊滿酌

九衢嘗渠渠夏屋

幘幪廣藹藹春臺品彙洋

御論祛疑更老辨鄉師導飲介僕良銀融雪彩牌鐫字
纒挾春溫帛卷囊千叟延

洪環綺席百齡膺

寵竄巍坊緇袍皓首新銜襲黃耆青燈宿願償耆尹鹿
鳴重授几耄僚

鳳闕緩攜纒

榮褒式穀熙春藹老許台槐避曉霜

樂愷佳辰張曲讌

惇宗元夜衍天漿振振寶胄銀潢衍奕奕朝冠翠羽煌

爵秩追封釐玉版鴻功

特謚勒瑤璽

乾清幄敞雲流裔

惇叙筵開露滴灋萼府述蕃公族姓萱階紛集遠梯

檣班禪錫卓莊嚴土壽媪金

頒勃律疆玉配鰈鷁來月竈壁加駟駱驟星房綵花異
象通忱悵金葉同文款悚惶過悔南交親

覲宸

德懷西域逖承筐年班自昔輪支弋

日就于今走甸荒拔達山徠軒鼓舞婆夷水濟遼趨蹌
戰圖練甲光屯社

封冊綸申重使航陪隸颺詩隨豹尾生番習禮附鴈行
烏孫有別全歸域赤子何分盡覆廊觚竹謾誇周

索廣樓蘭空侈漢輿詳圖成金碧輝璣組摹就丹
青陋鹿狼匝寓庥風登皞皞

重華瑞日麗蒼蒼瓊林鬱秀巢鸞鸞珠沼凝膏物鯉魴
吉帛永綏無量

壽嘉禾長發有年祥雲鳩冉冉班筇簇仙蝶翩翩粉翅翔
念厘八徵時若

聖堂聯

五世篤其慶如山如阜如松栢曰燠曰寒曰雨暘集

嘏月欣逢酉正介

釐歲恰值庚辰晶輪縹緲香霏桂金掌崔我露盥舊

號渙頒絲迎鳳紀

知臨受賁輯狼臙舞師陳器干麾列酒正排尊事昔芳

竺院說經宣貝葉

鑾坡奏賦鄙長楊典修中外升恒

祝歡徹人天

說豫觴願取葵傾芹獻意恭摠

黼座藻旒旁

萬壽太平頌

謹序

翰林院庶吉士

臣

辛從益

臣聞邃古之初儀象包渾有神聖焉開天畫地品

物宗生帝用圖河疇洛禔福于厥躬循蜚以前蕃
釐壽考甲子或萬八千歲夫豈罔微而熒紀牒信
哉皇建有極天錫無疆凡厥庶民胥引養恬宜致
升恒之劄慶乎洪惟我

朝

聖聖相承累洽重熙以肇我

聖皇出震乘乾益丕冒率育咸成

列祖功于不怠爰乃啓珠囊握金鏡順黃序接朱宣府修
事和風行化洽廣輪鰲極候尉日域

湛恩周濡古罕倫比竊嘗仰觀

聖人之福應厥有攸自古者神后膺錄受祚必憲天本

祖熙載寧人

皇上每歲

三大祀必

躬詣行禮

定常雩鑄信

天主人之寶敬

天也新製

五朝冊寶尊藏

太廟每晨恭讀

實錄週而復始

命編

開國方畧卦碑述

太宗訓守冠服騎射法

祖也

御門聽政日

召見內外大臣官員時引

見文武員弁

行在東燭待章

御書無逸篇揭各宮殿勤政也戶部歲奏民數穀數各省
歲報收成數驛詢雨水情形

普免錢糧四次漕糧二次

省方觀民蠲正供免積欠又隨時
恩加蠲賑詳決秋讞愛民也至于

敦宗室崇節儉廣庠序慎銓選修禮器協樂章謹成憲順

時措鴻典徽猷不可殫述若乃

稽古右文書契之修度越前代

欽定四庫全書集千古大成

御製文二集積千餘首

詩五集積數萬首

皇謨睿藻日炳雲昭其

武功駿烈則平準噶爾收回部蕩金川臺灣安南所向

風靡緬甸廓爾喀諸部歸誠效順疆索之廣古未

有焉朝鮮琉球暹羅南掌諸國梯航重譯入享輶

者不勝計也猗歟休哉甚盛德哉易曰自天祐之
書曰天聽于民夫功德輔相裁成彌綸天地至于
海隅出日罔不率俾天祐也衢歌華祝天所聽也
是以

天庥洊至諸福備應書徵五序雅祝萬年今歲幹在庚說
文庚者秋成萬物庚庚有實也笙詩萬物得由其
道亦曰由庚月在酉酉為壽星次而五十五季又
合大衍生成之數經卦皆八因而重之引而伸之

則萬有一千五百二十正符于

聖壽無疆

臣

竊嘗綜考伊古鴻濛肇分道化渾淳懷葛

尚矣人多壽愷而文明未備姚姒以降道極數隆
質亦靡焉我

皇握符闡珍苞河洛之文撰清寧之文故登民仁壽醇
美譽然

天祚

聖人將永申錫之奇齡邁五龍攝提所紀奚有量也謹

拜稽首上四言太平頌百韻曰

皇祚延洪

列聖鼎授

蒼緯儲庥

黃示順祐石紐鏡符玉燭杓候嘉游祥仍淵趨海奏

天誕

聖皇綏猷維后

序思績

武德辰拱宿窾領陰陽搏掄宇宙靈囊大包紫鏡廣表日
昭月融風靡雲覆何政不淳何生不茂林無猶飛
山無狨走波長鯢鯪澤豐蒲菽朝裳謹笥野服升
秀馬却于糞鴟革于園董吏以深講武以狩農農
其鎡紅繫其籠工不奇技商不飾售煮海飫民鑄
山通貿竹落帶渠石楨捍漱風雨依旬漕艘逐溜
颿鼓應鼉檣竿射鰲千里瞬過重關朝敏交衢四通
廣陌環轉山虎澤龍匝菁包柚或珠獻川或玉輦

岫宛駒龍媒肅矢石鏃禹賦駢羅成壇奔奏蠢爾
西域蠱螫獬嗾天弧一指風馳霆驟土扈歟開金
川罷嶠準夷回部震懾顛仆亭障閑邏烽尾息戩
蔥嶺河流玉關春逗空桐丹穴載日開霽

帝用敷文文德覃究建閣寫書充棟齊庠玉峯策府罅
苴逸收

睿裁天縱發蒙指謬開拓萬古一洗飭餼金河尋騫石
鼓編籀中聲按夔還律考實

頌庠聚珍流通坊購禮備樂章
師濟左右髦士國生羽
儀天就雝雝鸞翔肅肅鵠
筵抃舞

堯階

天子萬壽

天子曰都恭膺

昊佑五十五年閏澤霑透既阜既康
余益敕懋荒垓絃珽

瀾安軌蹂

五代堂增

八旬躬邁匪

帝私余余其仰副維臣若民余翼哺穀皇則斂敷其錫以
富凡百守典章率由舊井養占元勿幕乃梵乃命
賜租農嬉者耨乃命開科儒紆者綬乃禮高年庠
羅者豆乃表貞閭穹者獸增秩貤封榮前燭後
振滯復爵寬讐赦繆俾軍裕饒俾民飽餽蠲帑流
膏禮神薦酎典虔祀脩勾龍彛雖穆穆迓衡諸福
來醕正月初吉律中大族交泰體元天風行姤

綸綍條頌弗枝弗漏艾齒扶觀棘顏歡觀胝手傳鈔悅
耳傾讀慶益圭蓬恩覃薪樞清秋

聖節天宇晴繡華渚流虹輕雲散颺四表觀

光五方集輻水陸叢臻邸館蜂僦街陳百戲角彩紛糅

水戴蓬鰲山飛靈鷲洞燭千門霞蒸雲皴人樂華

胥熙熙往復爰逮郡國家酺戶駸士攜其華文美

其構摹繪陶唐鐘鑑鯨吼乃及絕域喁呬偃僂萊

幣爰間奇毛異轂樂我

皇風徘徊宿留望

闕蒿呼齊心翹首

皇思淵煇恭默中雷

珠旒邃延潛孚聲臭

觀範禹圖推策文繇

鵠章製文螭螭玉鏤以示無忘珍黃永守

申最屏藩

溫諭使輜雛雞待哺

德音敬紬至哉

聖人羣生在

宥邁五登三第祿多又猶日

孜孜安老懷幼

臣

慙弇鄙樵魯區瞽握管紀休難名

高厚敬祝我

皇萬齡億胄

欽定四庫全書

卷一百十六

欽定四庫全書

史部

欽定八旬萬壽盛典卷一百十八

詳校官戶部郎中臣楊世倫

欽定四庫全書

八旬萬壽盛典卷一百十七

歌頌 三十七

萬壽三賦

翰林院庶吉士 臣洪梧

臣聞太乙所居是為紫極春皇之國厥有神洲昂
南黼鳳之園亢外流烏之會古者祥呈辰下瑞紀
雲飛受祿字於洪流闡金絨之恭館高陽萬國來

萃河濱黃帝羣臣言臻洹浦南弓東璧班福周宮
北羽西槎迎仙堯圃欽惟

皇帝陛下八徵延祉九勲開祥乾元增

睿聖之齡洪範紀

天皇之壽龍章鳳契鏤

寶篆以承

床玉燭金壺席

蘿圖而塵

念殷濯爭來于睢壤輪囷下照于合宮爰

俞萬國之歡乃佈三衡之

詔魚騰鳥企摯虞增秩之年鼓笛棚車宋準登科之歲
於是要荒慕德西踰昆侖車服加書南撫交趾白
狼三譯詢黃髮而來王烏弋重溟仰青雲而稟朔
天子精裡

錫美

閨澤均禧

幸五麟七鳳之廬受九夷十蠻之享秋登武列鼇抃方

壺宴通文津鸞翔溫樹

天顏惟穆

壽宇宏開候南極于員穹受西王之華琯羣情既浹

法駕方旋

文園與民同之樂郊乃大和會三條散樂炫觀名王

十日酺尊朋歡士女然後乃以

慶節陽鼂輯瑞乎

太和之殿祥煙釳陞景旭彤庭登歌曼壽之章拜舞
天齊之曲豈特烏音蓮葉六十邦奏賀之書露甕
荃車三萬里冠裳之國竊惟

陛下御極五十五年

勲德巍巍

文章郁郁

舜功二十銘載夔鐘

周澤京坻聞諸幽雅顏閭墨妙莫稱形容燕許文工豈

能覩縷謹因行慶之地敬獻介

禧之詞三祝等于華封三呼同于嵩嶽慚太冲之十載

敢賦三都賸杜甫于青旻具陳三禮謹序

避暑山莊錫燕賦

候維炎序律中蕤賓月杓壬午日旅庚寅

皇帝既有事於

方壇肆言巡於上塞

乾健為心民勞為愛漢有慶而將黼周引年而用賚迺

六玉輅之歲粧九參旂之沛艾出迎曦之東闕轡
紫漢之南閤紅橋塞水青磴闕塗雲迎鳳麗電閃
龍趨火陰磧柳雨意河蒲

羲馭度于廣仁

虞門開于麗正興州是謂神臯

山莊此焉夏清九成陋貞觀之銘左介布明堂之令
烟霞可以適

沖情山水足以娛

聖性年年羽獵先秋歲歲瑤池頌

慶獻璿圖于西旅怖銅鼓于南人先零幕遠頡利封新
真龍仗馬瑞象天麟華香佛樹水玉河珉雕題推
髻之首漏海九都之國紫塞來王朱波戴德衆星
之拱北辰秋分之候南極爰遵道而揚鑣咸逆風
而憑軾巖軒竄窳磳戶遮迴薰來栢殿暑去蘭臺
歸雲石槎落照流杯賡吟永晝校射恢台人間兜
率天外蓬萊於是海會咸臻獅林時叙覲

黃帝於壽邱謁

元覽於華渚受籙于涿水之濱列館于汾河之滸
藏寺寶界時躋翼翼鹵簿光臨谷西與前膜拜道
左迎睨豐同六合稔

覽千畦爾乃月吉秋新雲開天朗受羅什之名經觀臣
佗之大長燦赤土之多羅亦文單之舞象織皮禹
貢之奉珍茲曰周書之執壤南宮啟讌合殿開筵
司爨九獻廣樂俱懸蕭傳正呼韓之坐元侯拜繁

過之篇頌

天皇兮億載樂

嘉會兮萬年既而燈設九華帳開萬樹對角觥之紛
陳聽兜鍪之咸具將使罄海同禧承

天錫祐

念徵綿玉燭之年禮

佛識金繩之路然後恤遠先歸于京景溯樂未徹於承

雲慶方流於元圃

圓明園稱慶賦

爰有堯衢蕩蕩文圓熙熙周民九識漢表諸司神
仙柱下五老河湄來同

王會共祝

純禧戶散綠以為霞地鎔金而似海幻犁鉏於城闐接
麟洲於夷壇吹簫之王子疑來薦棗之安期宛在
皇帝六龍回轡五鳳停驂澄湖萬頃閬苑千巖夔龍景
從鵷鷺趨趨仙壺聞于

欽定四庫全書

卷一百十七

禁禦瑞靄麗于裾簪於時玉露瀼瀼桂華郁郁陶典
西成豳圻大熟洞廷張樂之濱博望乘槎之曲兩
戒銀河千花繡谷移來浮玉宛對江天耿耿樓觀
浙浙冷泉經壇連于梵刹書閣麗于文源有江南
之佳麗接吳會之山川王淵四子之詩德秀賢人
之頌付部伎以新編軼仙韶之妙弄繡襟哦

聖壽之章玉管入卿雲之夢聲依日以來雲儼翻花而
翔鳳吹苓

樂喜鼓鼙

堯遊歌僮七十沛樂三候縱觀安福之闕奏伎洛城之樓淳還六合道奉千秋婆羅到足憚國旋毬行行亞字處處衢謳若乃大啟

仙閣同臻

壽宇十洲之琳碧相輝兩曜之光華在觀梁鄒不限於芻蕘屬國同羅于庭廡鏗金猛簞之鐘樹羽靈鼉之鼓歌

萬歲之詞奏昇平之譜大聲發於咸卷燕樂調於仙呂
幢幡則千佛同場鸞鶴則羣仙繞戶秦公娛廣樂
之遊儀伯貢囊哉之舞所以溥

皇祺均

篤祐聯萬國之歡心奉

八旬之

仁主賡詩麟德之庭拜酒華林之圃繫

聖皇之勤政仰

乾行於

御園未中宵而展

禁每非閨而居門紹

神堯之棟宇見

黃帝之曾元

丹毫萬札

墨勅千言傳宣漏永入對花暄吟雲小苑測雨前軒既
齋裡而來宅聿

巡彌而迴轅玉泉天漢之流西嶺神州之鏡總勝縣於
黃圖同遨遊于皎鏡歌載歌兮世永康樂復樂兮
皇有慶

太和殿受賀賦

鳧鐘早振鳳闕先開千官夙戒萬國皆來

天長屆矣

元首康哉爾乃秋將中兮夜未央趨闔闔兮壽

君王凜鴻臚之序位奉宗伯之儀章御史糾于九品理

藩秩乎庶方穆穆皇皇濟濟蹒蹒先陳

聖節之表待獻萬年之觴述職之維藩對越近光之羣
后翺翔黼黻充庭旌旗夾陛仙仗俱陳庭燎有暉
玉輅設於外朝象輿肅於閑衛於是鯨鏗左右雅
奏中和雲浮采現日上華多

天子方憑鳳宸俯鸞坡堂高廡遠喜浹歡羅司儀贊拜
典樂升歌率舞來於緬服搏拊自於闐河悅名王
之壽晉集國老之瞻瞻

皇儀孔究嘉樂有那協網緼于中外承

壽愷之恩波壤奠三千朝服七十太保西率唐公東立
千羽兩階玉帛萬國乃有六盟王公四衛拉特竹
城奉藩木邦受職東麗西歐南訛朔易無小無大
有嚴有翼塗印度之殊香煥鮫人之異飾獨孤之
金鏡千年立本之華圖五色惟

皇純嘏奉若無私

欽明廣運

神武仁慈

闡恩濺澤雨鮮雲施百年生息萬里光曦溥生民之
帝極信無間于伊耆於是禮成

太和宴開

寧壽潢族萃振仙班輻輳萬舞在庭九歌同奏酒醴
維醑以介耆舊肴核維旅有秩籩豆咸拜手而稱
觴既騰歡而勉懋是時九州嘉樂六合恬愉冢家
懷葛戶戶黃虞士沐三升之化農承普賜之租商

富鹽田於山海工捐追琢於璫璵効負暄于宋父
兮同就日于

皇衢登春臺而享太牢兮若羣遊于華胥麗大千之寶
界仰

億萬於璇圖

皇有厘于如恒

念彌殷于久照方夕

月於夜明乃儲精于堂突蓋保泰之鴻謨實延禧之

妙要登

壽世於成鳩撫諸侯之殷頌

萬壽頌十二章

集文選并序

翰林院庶吉士臣顧玉霖

臣聞古人之言皇初之首上紀開闢遂古之初必有明聖顯懿之德宅心齔粹齒笄延長柏皇栗陸以前先天而順顓頊元冥之紀歷年茲多養之如春故有一切之壽泊然無感而貽千載之功上哉夏

乎不可紀已洪荒樸畧皇王之迹已殊維

清緝熙神人之和允洽於茲為盛以古況今伏惟

聖朝

奕世勤民

兆基開業

皇帝陛下

體膺上聖

欽翼

昊天神應休臻昭華之珍既闡晷緯昭應泰階之平可升
是以得一奉宸

儀型孚于萬國

率由

舊則

功德著于

祖

宗

三后始基

一人有慶安綏天保殷

五代之純熙

敬達

郊禋答三靈之蕃祉

皇風載翬玉燭陽明悅重華之無為巍巍蕩蕩踵羲皇
而齊泰炳炳麟麟書契以來未之或絕皇唐之世
何以加茲於是

聖王乃握乾符

詢朝政

聽覽之暇煥乎文章

摘藻為春昭章雲漢

讌歌以詠同量乾坤侯其禕而大哉體乎於斯時也

天子受四海之圖籍收百世之闕文乃有秘書府之延

閣自三墳五典六藝百家詳畧異聞大備茲日依

劉歆七畧曾何足云作帝典一篇不以過此

時文載都

威武紛紛屯神虎于秋方義征不譖稀鳴桴于砥路化

際無間是以六合元亨九野清泰方

握河沈璧

封岱勒成綜

孔氏之舊章久瞻先覺奉

至尊之休德

存問高年乃崇禮官正雅樂歌投頌考文章績典禮于

辟雍奉觴豆于國史於是

皇澤豐沛羣士嚮臻旋束帛之戔戔增四門之穆穆收
州典郡凜負重于春冰三事九司効蓬心于秋實
小大畢力勲績惟光仰測天璣歲躔奄茂上膺
萬壽下沂八埏爰考休徵下

明詔疎徭役振困乏發京倉散禁財下有天哉之

君下獻南山之壽凜秋暑退逢吉丁辰開

王會之阜昌第從臣之嘉頌是日也張鈞天之廣樂流

春澤之

渥恩金鄰象郡之渠各帥種落文身裸袒之國具惟
帝臣散樂移風獻琛執贄誠千載之嘉會信天下之壯
觀也昔者臯繇謨虞奚斯頌魯崇廣被時雍之美
格天光表之功卓哉煌煌粲乎隱隱前代美之不
其然歟凡庸固陋策名

清時學于舊史氏允懷多福利用賓王則夫誦美有章
賦詩稱

壽不亦宜乎遂作頌曰

顯朝惟

清混一區宇

聖上同

天皇皇

帝祜

握樞臨極萬國攸平

翼恭

帝祖

憲度著明其一

五十之年于今五稔庶績其凝

旰食晏寢夕惕若慄加勞三皇多歷年所寧濟四方其二

崇哉乎

德允信允文綽以

藻咏暉光日新

武節是宣

龔行天罰南燭丹崖西厭月媚

其三

于彼西疆曰納其降重譯貢篚如熙春陽南越相

夷深入其阻請受纓縻普天率土

其四

功成作樂下舞上歌詩三百篇同律克和乃流辟

雍

聖皇莅止俎豆莘莘濟濟多士

其五

屢惟豐年百物殷阜人胥悅欣何生不茂

省方巡狩

帝曰俞哉

勤卹民隱望

君之來其六

申命羣司西盪河源以流河曲噓喻百川流渭通涇控

清引濁剖晰毫釐潺湲涇復其七

開元首正伏聞

恩詔敬法卹刑興廉舉孝惟穀之恤以浸黎元睹睹國

老署行議年其八

惟

命之嘉于何不有千品萬官

恩隆父母獻惟皇士翼翼邕邕三餘靡失明試以功

其九

少昊司農

皇慶攸興五位時序三光宣精備嘉祥用朝羣辟傑

侏兜離罔不具集

其十

吉日良辰即

宮廣讌酣胥無譁豐肴衍衍海內同悅應會

皇都受茲介福洋溢八區

共十一

惟

德動

天乃眷斯顧萬祥必臻不可勝數沐浴福應兆民賴之

天錫難老長無極分

共十二

萬壽太平曲三十首

謹序

翰林院庶吉士臣錢福昨

欽惟我

皇上功侔軒錄道總義圖資五緯而彌綸奠三垂而統
輯

乾符體健

龍文孚闡極之型

泰策延熙

鳳紀肇披元之會際六宇同春之日正

八旬展慶之辰瑞衍蘿圖越五稔而年羸週甲祥凝芝

檢介

萬壽而歲協長庚矧夫

鴻慶蕃臻

龐褫韻應行瓜綿於

玉牒華雲蒸

五福之堂孕穀秀於金科瑞日煥

八徵之寶六連景

化意類凝薰葉幣駢羅棧壑梯山之瑞華封翼戴扣轅

擊壤之歡慶普金圻禧均玉甸爰肅迎秋之

駕早回

避暑之臺翠陌祥煙香穗裊猊爐之篆黃圖瑞靄修僮
揚

鳳罽之華月麗銀盤朗十洲之澄鏡露凝寶甕奠四表
之安孟匝宇騰歡寰區臚頌

天子乃御太和之廣殿納錫羨之嘉符琦織雲馳景千
官於

鼇禁簪裾颺聚肅九拜於

蟠坳秩隆禮而覲

龍顏歌聲舞節沛

稠恩而宣

鳳諾里忭塗歡咸欽

履幃之施競效升恒之頌臣席芳芸館依景蓬瀛就

日輸忱幸遇乎

義年吳歲採風獻悃竊蒐夫巷祝衢謠三十章依韻徵

吟半頌

德銘

恩之什億萬載

膺圖納祿盡

延齡

錫嘏之符謹儷蕪言虔申襲舞其詞曰

福緒祥源萃

聖躬騰華照寓格

璇穹紉雲彩絢

瑤墀上

萬歲歡心萬國同

方軒邁扈軼堯雍

帝德如天百福宗
遍酌衢尊飫芳旨
斟元

釀化勝醅醲

世緒欽承

道益龐

觀風甲夜燦銀缸
琳籤底用投堦石

御事無分隻與雙

劬農恤穀軫

勤思杞緒麻徵雨及時一自

觀耕勞黛耜年年歡詠大田詩

記誦

鴻文說古稀又欽

耄念凜時幾

璇齡疊見鐫珉琬福自

天申不待祈

惇誨儒林富石渠

宸心善日寶三餘
西山乙帳疇堪擬
福地琅函四庫書

史評經訓契

宸謨著論應刪衆說邪

盛業千秋爭寶貴
連城一字重璫璣

聖製神功造化齊
侍臣著作奉金閨
敷雲麗日頻

藻藻定有光華映壁奎

凝承

荃宰秩燭柴薦座黃琮祀典偕欲識元功符兩大

郊

壇歲歲懋

清齋

嶽神清峻鎮挺垓

詔舉明煙裸玉壘

盛世不登封禪頌祥風寶露暢春臺

河海宣防

睿畫頻

德洋流澤溥洪鈞揚珠起玉祥何限阪滙占風識

聖人

率典巡方

翠蹕勤登工考德紀

崇勲南逾浙水東臨岱太室崆峒陋昔聞

緇林甄俎道常存釋奠

躬親秩祀教自是

皇情符

聖揆

鴻章鉅制萬年尊

槐宮軒敞迓

瓊鑾特啟橋門聚聽觀霧集烟霏延偶彥海流花洽喻

風湍

獵碣模糊積鮮班籀文奇字讀誰嫻自蒙

詰鑑重排次偽說蕪辭一例刪

壽宇祥開重引年龐眉熙豫樂

堯天

恩輝不數華林宴千叟扶筇侍

玉筵

雅律宣和協鳳蕭中聲

登定七音調萬民側聽

鈞天樂闔闔風清奏九韶

玫瑰敷文馳玉笋舞階干羽拂雲梢金隣黑齒咸遵
化億里荒紘

帝度包

整旅尤欽

睿算探犁庭擲邑秉

龍韜狼星夜掩櫓雲靖捷凱聲中解戰袍

重譯盱眙納賁多風烟萬里驟輕駝蠻歛遠勝龜

茲樂催放名花巨鉢羅

述慶臚觀九陌賒又聞

三殿渥恩加豐年人拜

蠲租詔喜溢康衢十萬家

晉署頭銜鶴鷺行

天書錫類耀金章門添寶闕森華戰奕世沾

恩頌不忘

蕊榜祥遶藝藪英星潢朗曜闡雲程秋風桂樹春

風杏幾輩扶搖上

玉京

耆儒皓首困窮經
遍給巍科

寵碩齡鶴髮麟衫輝
映處爭誇人瑞集

堯庭

解組諸員異數膺
無殊重慶瑞芝蒸

恩波浩漾真涵海
淨滌塵瑕賦飲冰

丹鳳門開

聖澤優赦書驛遞
驗星流金幡廣種無量福一片

慈雲覆九州

龍樓肅望拜

恩深十賚重

頒內帑金化日舒長民氣樂烏騰魚躍總歡心

觀酺庶類頌含甘鼓笛棚車處處諧喜見

璣衡調玉燭貞符詳協泰階三

九重雲日許翹瞻天上弧芒映玉蟾共慶

堯年申億萬

繁禧欲並海籌添

呼嵩叩

闕整朝衫泰宇瑤華貞玉函四海昇平無一事譜將俚

曲應韶咸

萬壽詩仿長慶體一百韻

恭集

御製句

翰林院庶吉士臣龐士冠

五福箕疇壽居首億萬斯年祝曼耆

錫報欣逢開

八句

天與壽因

德與壽五位撫辰

慶典呈十成紀歲五常并

古稀薄海塵懷保十年一舉又逢庚

太和元會

恭南面孕虞育夏

天心眷行健體乾勵自強

對時志切三才奠

齋心齋體即齋宮倉辟欽昇

帝座崇青仰

園惟乘輶芴

泰壇東峙燎雲紅日惟勤敬答

天祉功

祖德

宗垂萬禩經緯成周道法同

堂構萬年綿福履

謨烈顯承奉大全嘉德懿言在簡編

祖訓聰聰仰深意繩

武而今勵仔肩篆凝瑞靄猊噴霧升鄉

昭

穆節頻度

太室蒸嘗愜優同玉階金祀讓朝露春仲

經筵躬必行虞傳惟一與惟精智者樂兮仁者壽地博

厚而天高明幾康惟是天上敕運斗旋杓環紫極
統軍萬里

國威宣

廟謨本欲安絕域厄魯蕩平回部運賢王奔走相周旋
彼以敬來酬以惠西瀛職工正聯駢遡疏率與光
明耀一天朗日懸清照行張凱宴勞凱還十行寬
大新

頒詔威弧有事射天狼曰惟聲罪不庭方金川大小穴

俱埽鯨鯢逆武維揚閭闔

九重開謨謨

紫光將畫凌烟像論功行賞策忠勤四海臣民咸共
仰

時狩由來武備修三驅羽騎鴉星流木蘭歲歲秋圍舉
吉日應同雅在周廓清籙徽威已振將卒一心同
効盡偃武歡騰禮樂彬彬輸誠屬國咸來

覲百辟衣冠式禮儀絃歌鼓琴衆書詩鳴球聲引羽干

舞文運方當春午時

聖藻千秋同紉縵義圖文錄三才貫義與宣尼可合之
屏息不能一詞贊

右文大典舉春和瑯嬛秘籍厯增多四庫全書抄四部
稗官雜識槩蒐羅散編裒集還全璧魚魯縱教精
致覈一再成咏藻鑑懸玉篆金題

璽文赤清文漢義各陳書遂

命褒黃弄石渠今古英華率全薈詎寧銓奧到蟲魚千

秋金鑑垂圖史鏡清無私昭協理載道惟文語不
磨遍翻古史曾誰比石鼓之數符天干特開廣殿
集衣冠為憐漫漶臨新本都下傾城咸饗觀變也
由來不世出

丹陛樂鳴叶韶律

幾餘考訂為重鐫即看壁府裒成帙猶日孜孜勗惟寅
惕乾一意永勤民明禋盛禮既三代由來無事必
躬親星言駕彼六龍夙萬靈此日雲車肅土膏特潤賚

苗芊田蠶四海殷同祝日臨吉亥應農祥

視履先期

命太常重農要欲所無逸一墾三推古禮祥幕調雨十

兼風五

身是九重

心萬戶

大造無私澤被均作息重看唐代古恒年賑恤掾汙萊

一氣春和萬室該南薰

茂對澄懷永衢歌巷舞博

顏開家給人足何以惠減賦蠲逋施次第養恬引欲溥

垓埏

渥恩實幸羸常歲六度

南巡于邁勵上下和樂胥歡欣休助非闕循故典編氓

一路頌聲聞肆

觀東后修五玉祇應

風化孚民俗蕩蕩

恩覃薄海堦不獨黃圖調玉燭

崇儒雅化示寰瀛近止

尼山慰素誠到來即

謁大成殿心殷瞻就魯諸生菁莪棧樸風人藻旭日正

輝三秀草

闕里西瞻路不迨平心正體斯契道

釋奠

回鑒

禮岱宗周垣園峙肅重重漢柏唐槐都好在

聖日光華朗碧峰即今河水清仍注鷹嘴鹿瞳策隄務

沙漲金堤瀆協靈歌舞農夫喜行路通漕籌農

意各存以節以宣寶穡蕃引渠建牖農功賴崇墉比櫛

看村村海塘條石從新作窮源達委細籌度石塘

接築俾民安寰宇清宴胥和樂克明無逸訓堪聽

書云弼教在明刑赦除本為灾眚肆惟

念民艱求厥寧同任股肱民杜寄了識安民在察吏六

計獎吏總以廉到處問閭歌樂利求賢說盡

聖皇心

恩榜重開惠士林鳳池多少簪毫者連年沐

澤渥而深柏梁賡已宴千叟笑呼摩肩還接肘

湛露三巡共拜

嘉介眉扈進兜羅手元孫

五代喜同堂本支百世奕禩昌上瑞古今真此罕更希

慶典數無央

一堂敷和家人吉

派衍千年四品秩廣寒法曲宴中秋年年最喜稱觴日
施恩要欲遍千官

特許儒臣禮數寬咫尺玉堂清切地花瓷

賜茗擘龍團新附更番遞相

觀羊酪馬酏都獻賁東澣南瀛許並陪惟是薰披仰我
舜東鰈瞻光接北靺按程馬到隣穿蹄服物舊稱方物
貢其名不可僕指稽六星又見朝南極此是人間

真瑞色

昌辰吉事喜重重百歲老人歌

厚德

王路由庚達大蒙蓬島瑤臺福海中梵王經裏極樂界

無量

壽希與佛同

天上拜

恩霑雨露枝暖萬年曦煦姬敷天駢疊

金匱要略卷一百十七
錫新禧萬祺

皇清綿

寶祚

乾符丕慶協

坤靈九苞丹鳳來

虞廷侍臣羣獻南山頌

聖壽應增億萬齡